

Sarajevo,

07-04-2022

Broj:

58-11-3-16282

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-04-4-15217-1 od 31.03.2022. godine, Generalna direktorica donosi:

ODLUKU

o poništenju postupka javne nabavke
za nabavku magnetne rezonanse 3T sa pratećom opremom
za potrebe Klinike za radiologiju

I

Prihvata se prijedlog Komisije za nabavku magnetne rezonanse 3T sa pratećom opremom za potrebe Klinike za radiologiju, po Izvještaju br. 10-04-4-15217-1 od 31.03.2022. godine, a nakon provedenog otvorenog postupka sa međunarodnom objavom na portalu e-nabavke dana 21.12.2021.godine pod brojem obavještenja 893-1-1-848-3-666/21, sa ispravkama obavještenja i postupak se poništava u skladu sa Zakonom o javnim nabavkama član 69. tačka 2) d), jer nijedna od dostavljenih ponuda nije prihvatljiva.

II

Ova Odluka stupa na snagu danom donošenja i bit će objavljena na web stranici KCUS-a, kao i dostavljena ponuđačima učesnicima u postupku javne nabavke.

OBRAZLOŽENJE

U skladu sa Odlukom Generalne direktorice KCUS-a broj: 58-04-6-54152-1 od 18.11.2021. godine, pokrenut je otvoreni postupak sa međunarodnom objavom za nabavku magnetne rezonanse 3T sa pratećom opremom za potrebe Klinike za radiologiju. Procijenjena vrijednost nabavke je 4.000.000,00 KM bez PDV-a. Nabavka je planirana Planom javnih nabavki za 2021. god. pod kategorijom „investicije - robe“ redni br. 57 (Odluka o izmjenama i dopunama Plana javnih nabavki Kliničkog centra Univerziteta u Sarajevu za 2021 godinu, broj: 38/21 br. protokola 65-04-2-50979/21). Uslovi plaćanja predviđeni za postupak nabavke su plaćanje u roku 30 dana od dana isporuke i ispostavljanja fakture (na osnovu dopisa Sektora za računovodstvo, plan i analizu br. 56-11-3-53317 od 15.11.2021.godine). Sredstva za nabavku su obezbjeđena u Budžetu Federacije BiH vezano za ugovor o dodjeli sredstava "Tekući transfer drugim nivoima vlasti- transfer za sanaciju zdravstvenih ustanova u Federaciji BiH" br.06-11-2900-3/21 potpisan između FMZ i KCUS-a.

Klinički centar Univerziteta u Sarajevu je na portalu E-nabavke dana 21.12.2021.godine objavio Obavještenje o nabavci broj: 893-1-1-848-3-666/21, zajedno sa Tenderskom dokumentacijom, te ispravke obavještenja o nabavci br. 893-1-1-848-8-19/22 od 14.01.2022.godine ; 893-1-1-848-8-67/22 od 08.02.2022.godine i 893-1-1-848-8-104/22 od 18.02.2022.godine zajedno sa izmjenama Tenderske dokumentacije.

Na osnovu poziva objavljenog na portalu e-nabavke tendersku dokumentaciju za postupak javne nabavke preuzelo je 16 (šesnaest) potencijalnih ponuđača; Izmjenu i dopunu tenderske od 14.01.2022.godine preuzelo je 7 (sedam) potencijalnih ponuđača; Izmjenu i dopunu od 08.02.2022.godine preuzelo je 6 (šest potencijalnih ponuđača i Izmjenu i dopunu od 18.02.2022.godine preuzelo je 9 (devet) potencijalnih ponuđača.

[Handwritten signature]

Do vremena naznačenog u Ispravci za Obavještenje o nabavci broj 893-1-1-848-8-104/22 od 18.02.2022. godine do 10.03.2022.godine do 10 h i 30 min na Protokol Kliničkog centra Univerziteta u Sarajevu dostavljene su 2 (dvije) ponude za postupak nabavke (što je evidentirano Zapisnikom o zaprimanju ponuda br.10-04-4-11566 od 10.03.2022.godine) i to:

| PODACI IZ PONUDE | 1. | 2. |
|--------------------------|---|---|
| Naziv ponuđača | BERG d.o.o. Sarajevo | SIEMENS MEDICINA d.o.o. Sarajevo |
| Broj i datum ponude | 10-11-3-11503 10.03.2022. godine u 09 h i 45 min | 10-11-3-11505 10.03.2022. godine u 09 h i 50 min |
| Cijena ponude bez PDV-a: | 4.000.000,00 KM | 3.999.999,00 KM |

Komisija imenovana Odlukom broj: 01-04-4-11266 od 08.03.2022.godine je izvršila detaljnu analizu dostavljenih ponuda, te sačinila Zapisnik o pregledu i ocjeni ponuda br. 10-04-6-15217 od 31.03.2022. godine kojim je konstatovala da:

1. Ponuđač BERG d.o.o. Sarajevo dostavio je ponudu za MRT-3020 (Vantage Galan 3T) proizvođača Canon (model MRT-3020/E5).

Detaljnou analizom dostavljene ponude ponuđača BERG d.o.o. Sarajevo komisija je konstatovala da ista nije prihvatljiva, jer nije dostavljena u skladu sa tenderskom dokumentacijom u dijelu Aneks 3 Tehničke specifikacije i to u tačkama:

- **3.3. Tehničke specifikacije traženo** - Broj nezavisnih prijemničkih kanala minimalno 128 ponuđač u tabeli napisao DA i naveo stranicu brošure br.11. (strana ponude 103). Uvidom u ponudu na istoj stranici za traženu karakteristiku u fus noti navedeno da nije dostupno u svim zemljama. Ponuđač nije dostavio dokaz da je isto dostupno za našu zemlju.
- **8.6. Tehničke specifikacije traženo** - Sinhronizacija sa disanjem pacijenta sa isporučenim hardverom za nadzor disanja - hardverski senzori, za sve vrste pregleda koji zahtijevaju nadzor disanja ponuđač u tabeli napisao DA i naveo stranicu brošure br. 3 (strana ponude 95). Uvidom u ponudu na istoj stranici za traženu karakteristiku u fus noti navedeno da nije dostupno u svim zemljama. Ponuđač nije dostavio dokaz da je isto dostupno za našu zemlju.
- **11.5. Tehničke specifikacije traženo** - 3D izo sekvenca tipa T1 MPRage / 3dfgre i 3d fast spgr / T1 3D TFE / 3D Fast FE ponuđač u tabeli napisao DA i naveo stranicu kataloga br.17 (strana ponude 109). Uvidom u dostavljenu katalošku dokumentaciju na navedenoj stranici ponuđač nije dostavio dokaz da ispunjava uslove za navedenu tačku.
- **11.8. Tehničke specifikacije traženo** - T1 u fazi i takođe u suprotnoj fazi (gornji dio abdomena) ponuđač u tabeli napisao DA i naveo stranicu kataloga br.34 (strana ponude 126). Uvidom u dostavljenu katalošku dokumentaciju, komisija je konstatovala da je ponuđač ponudio paket opcija isključivo za srce – „Cardiac Imaging“, što nije u skladu za zahtjevima iz tenderske dokumentacije.
- **11.9. Tehničke specifikacije traženo** - Paralelne tehnike prikupljanja ponuđač u tabeli ponuđač je napisao DA i naveo stranicu kataloga br. 17 (strana ponude br.109). Uvidom u dostavljenu katalošku dokumentaciju na navedenoj stranici komisija nije pronašla traženo.
- **11.11. Tehničke specifikacije traženo** - DWI (difuzijsko oslikavanje) sekvenca - tip EPI (pregled glave, vrata, abdomena, karlice) + automatska izrada ADC mapa i DWI mapa s izračunatim b-faktorom ponuđač u tabeli napisao DA i naveo stranicu kataloga br.32 (strana ponude br.124). Uvidom u dostavljenu katalošku dokumentaciju ponuđač je ponudio sekvencu – DTI (Diffusion Tensor Imaging), što nije u skladu za zahtjevima iz tenderske dokumentacije jer je istom tražena sekvenca DWI (eng. Diffusion Weighted Imaging, difuzijsko oslikavanje).
- **11.12. Tehničke specifikacije traženo** - Opcije praćenja vlakana mozga i kičmene moždine ponuđač u tabeli napisao DA i naveo stranicu kataloga br.32 (strana ponude br.124). Uvidom u dostavljenu katalošku dokumentaciju na navedenoj stranici komisija nije pronašla traženo.

Handwritten signature in blue ink.

- **11.13. Tehničke specifikacije traženo** – Magnetno - rezonantna perfuzija (kontrast T2* sa izračunavanjem CBV, CBF, TTP, MTT) ponuđač u tabeli napisao DA i naveo stranicu kataloga br.17 (strana ponude br.109). Uvidom u dostavljenu katalošku dokumentaciju na navedenoj stranici ponuđač nije dostavio dokaz da ispunjava uslove za navedenu tačku.
- **11.28. Tehničke specifikacije traženo** - DWI (eng. diffusion weighted imaging, difuzijsko oslikavanje) ponuđač u tabeli napisao DA i naveo stranicu kataloga br. 32 (strana ponude br.124). Uvidom u dostavljenu katalošku dokumentaciju ponuđač je ponudio sekvencu – DTI (Diffusion Tensor Imaging), što nije u skladu za zahtjevima iz tenderske dokumentacije jer je istom tražena sekvenca DWI (eng. Diffusion Weighted Imaging, difuzijsko oslikavanje).
- **11.55. Tehničke specifikacije traženo** - T1 mapping, ponuđač u tabeli napisao DA i naveo stranicu kataloga br. 34 (strana ponude 126). Uvidom u dostavljenu katalošku dokumentaciju, komisija je konstatovala da je ponuđač ponudio paket opcija isključivo za srce – „Cardiac Imaging“, što nije u skladu za zahtjevima iz tenderske dokumentacije.
- **11.56. Tehničke specifikacije traženo** – T2 mapping, ponuđač u tabeli napisao DA i naveo stranicu kataloga br. 34 (strana ponude 126). Uvidom u dostavljenu katalošku dokumentaciju, komisija je konstatovala da je ponuđač ponudio paket opcija isključivo za srce – „Cardiac Imaging“, što nije u skladu za zahtjevima iz tenderske dokumentacije.
- **15.3.2. Tehničke specifikacije traženo** - U slučaju ne ispunjavanja uslova za novi MRI zaštitu od magnetnog polja dovesti u zadovoljavajuće stanje ili **instalirati novi RF kavez**, ponuđač u tabeli napisao DA – a u napomeni se **isključivo** izjasnio samo da će postojeći RF kavez dovesti u zadovoljavajuće stanje. Ovim ponuđač ne nudi mogućnost instaliranja novog RF kaveza o svom trošku ukoliko se za navedeno ipak ukaže potreba radi eventualnih nemogućnosti dovođenja postojećeg RF kaveza u zadovoljavajuće stanje što nije u skladu sa zahtjevima iz tenderske dokumentacije.

Iz gore navedenih razloga ponuda ponuđača BERG d.o.o. Sarajevo je ocijenjena kao neprihvatljiva i ne učestvuje u daljem toku postupka javne nabavke.

2. Ponuđač SIEMENS MEDICINA d.o.o. Sarajevo dostavio je ponudu za MAGNETOM Vida proizvođača Siemens Healthcare (kataloški broj 11060815)

Analizom dostavljene ponude ponuđača SIEMENS MEDICINA d.o.o. Sarajevo komisija je konstatovala da ista nije prihvatljiva, jer nije dostavljena u skladu sa tenderskom dokumentacijom.

- **Tenderskom dokumentacijom tačkom 3.1. pod k)** definisano je da su ponuđači dužni dostaviti:
 - ” **Pojedinačni certifikat/i servisera (najmanje jedan)** kojim ponuđač raspolaže, a kojim se dokazuje da su serviser/i osposobljen/i za održavanje **ponuđene opreme**, kao i dokaz da su ponuđač i serviser/i u poslovnom odnosu (Ugovor o radu ili Ugovor o angažovanju ili Izjavu i sl.)”. Obzirom da je predmetna nabavka u ANKES-u 2 podjeljena na 3 stavke ponuđači su bili dužni dostaviti najmanje jednog servisera za ponuđenu opremu, koja će obuhvatiti sve tri stavke ponuđene opreme
- Uvidom u ponudu ponuđača SIEMENS MEDICINA d.o.o. Sarajevo na stranicama od 50 do 59 dostavljeni su certifikati servisera za stavku 1 Aneks-a 2, a za stavke 2 i 3 isti nisu dostavljeni, što nije u skladu za zahtjevima tenderske dokumentacije (Tačkom 3.1. u dijelu napomene stoji **Neprihvatljivo bilo kojeg dokaza i/ili izjave diskvalifikuju ponuđača**).
- Daljim uvidom u ponudu ponuđač SIEMENS MEDICINA d.o.o. Sarajevo nije dostavio Izjavu da će ukoliko njegova ponuda bude odabrana kao najpovoljnija, u roku od 10 dana od dana zaključenja/obostranog potpisivanja ugovora, dostaviti garanciju za uredno izvršenje ugovora u obliku bezuslovne bankarske garancije, što nije u skladu da članom 5.10.1 tenderske dokumentacije.

Iz gore navedenih razloga ponuda ponuđača SIEMENS MEDICINA d.o.o. Sarajevo je ocijenjena kao neprihvatljiva i ne učestvuje u daljem toku postupka javne nabavke.

Na osnovu svega navedenog Komisija je konstatovala da ni jedna od dostavljenih ponuda ne ispunjava kvalifikacione uslove definisane Tenderskom dokumentacijom za predmetni postupak nabavke, te Izvještajem br. 10-04-4-15217-1 od 31.03.2022. godine Komisija predlaže da se postupak za nabavku magnetne rezonanse 3T sa pratećom opremom za potrebe Klinike za radiologiju **poništi u skladu sa član 69. tačka 2) d) ZJN (Sl.glasnik BiH br.39/14)**, jer nijedna od primljenih ponuda nije prihvatljiva

Uzimajući u obzir naprijed navedno, prijedlog Komisije je prihvaćen i donosi se odluka kao u dispozitivu.



GENERALNA DIREKTORICA
Prof.dr. Sebilja Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS

Handwritten signature